

## **CONTROL DI REFERENTE**

Lo reintroducí e procedura di "control di referente" y den e cuadro di esaki a modifica entre otro tambe e formulario di aplicacion di extension di estadia turistico cual ta obtenibel riba [www.dimasaruba.com](http://www.dimasaruba.com).

## **E DIFERENCIA CU PROME**

Te cu awor e garante mester a haci un declaracion cu e tin un cierto entrada y despues su persona ta laga legalisa su firma. Esaki awor ta cambia.

1. No ta rekeri pa legalisa firma di e garante mas na DWJZ ora di tramita extension di e estadia turistico pasobra cu a incorpora e parti aki riba e mes formulario di aplicacion pa extension di estadia turistico cual awor mester ser firma na DIMAS;
2. E garante no solamente mester declara, pero tambe mester por comproba cu e ta gana suficiente pa luna pa por para responsabel pa tur gastonan di e turista;
3. E garante mester duna adicional autorisacion na DIMAS pa por efectua control di vivienda di garante;
4. E garante mester motiva y sostiene e rason pakico e ta solicita pa un extension di e estadia turistico pa mas di 30 dia

5. E garante y e turista mester tin un "record clean", lo cual ta ensera entre otro cu no a viola condicionnan relata na estadia den bishitanan previo;

## **ENTRADA MINIMO CU E GARANTE**

Entrante 1 di juni 2015 a stipula un suma di entrada nobo pa por para garantia ora di kier aplica pa un estadia of extension di e estadia turistico.

E suma di entrada necesario ta acopla na e suma pa un persona por sobreviví na Aruba segun analysis di Oficina Central di Estadística (CBS) año 2014.

E entrada mensual di Afl. 2040,= pa luna ta necesario p'e garante cu tin intencion di para responsabel pa uno (1) te cu tres (3) turista por permanece na su cas.

Si e garante tin intencion di para garantia pa mas cu tres (3) turista permanece na su cas, e suma di entrada minimo ta stipula na Afl. 4.080,= pa luna.

## **RESPONSABILIDADNAN DI UN GARANTE**

Un garante mester ta conciente cu e ta esun ta asumi full responsabilidad pa eventual gastonan incuri pa e turista durante su estadia turistico y tambe despues si no bandona Aruba dentro di e tempo cu a otorga na dje, entre otro cu:

- Un garante ta responsabel pa duna alohamento na su cas durante e estadia turistico;
- Un garante ta para responsabel pa gastonan di mantencion (cuminda, bebida) di e turista cu permanece na su cas;
- Un garante ta responsabel pa gastonan extra cu e seguro medico of di accidente no ta cubri;
- Un garante ta responsabel pa e turista te na e momento cu e turista bandona Aruba;
- Un garante ta responsabel pa tur e gastonan cu tin ora di mester sera un persona den retencion di stranhero (vreemdelingenbewaring)
- Un garante ta responsabel pa e gastonan di deportacion di un turista cu a viola e condicionnan di su estadia (por ehempel a ser encontra ta traha)
- E garante ta keda responsabel pa percura pa e persona bandona Aruba dentro e tempo otorga pa e instancia(nan) migratorio.

Un garante cu no a cumpli cu su responsabilidadnan como garante ta wordo "marca" y elo tin consecuencia p'e ora cu e tin intencion pa para garante pa otro turista(nan) bin keda mas na su cas.

## **EXTENSION DI ESTADIA TURISTICO (NA CAS DI FAMILIA)**

Un turista por haya na su yegada na migracion, un estadia turistico di 30 dia maximo y esaki ta resulta den gran mayoria di caso di ta mas cu suficiente.

Si e turista tin intencion di keda mas cu su termino stipula dor di migracion di Aruba (te na un maximo di 90 dia pa entrada), e lo mester aplica pa extende su estadia turistico na oficina di DIMAS.

E peticion aki mester ta entrega na tempo, esta prome cu e tempo duna dor di migracion vence. Ta consehabel pa haci un

peticion por lo menos un siman prome cu e fecha di estadia vence.

Un extension di estadia turistico bou di e garante lo por ser duna si ta cumpli cu e rekisitonan nobo aplicabel pa cu esaki y si por comproba cu den pasado tambe a percura pa a cumpli cu tur obligacion y condicionnan stipula tanto como garante como pa e turista.

Kico DIMAS ta rekeri di e turista cu ta keda na cas di famia y di su garante ora di tramita un peticion pa extension di e estadia turistico?

- Formulario (nobo) di solicitud yena segun berdad, obtenibel riba e website di DIMAS [www.dimasaruba.com](http://www.dimasaruba.com)
- Copia di paspoort di e turista cu un valides di por lo menos 3 luna despues di fecha di entrada (ta rekeri copia di tur pagina cu stempel y visa);
- Copia di un pasashi valido cu fecha di regreso nobo;
- Copia di seguro di biahe cu ta cubri gastonan medico y di accidente of seguro priva cu ta cubri gastonan medico y di accidente (ziektekosten en ongevallenverzekering). E seguro mester ta valido pa e temporada cu e turista kier sigui keda na Aruba.
- E declaracion di garantia yena riba e formulario di aplicacion y ta ser firma dilanti di e funcionario publico di DIMAS;
- Formulario di declaracion di entrada(nan) yena y acompaña pa cu su comprobante(nan);
- Formulario di autorisacion yena unda ta bai di acuerdo pa efectua control di cas;
- Copia di ID di e garante cu un valides di por lo menos cu 3 luna;
- Declaracion di Censo di Awg.5,= di garante;
- Splicacion di e motibo(nan) a base di cual ta aplica pa un extension di e estadia turistico acompaña pa tur documentacion relevante (declaracion di dunador di trabou, carta medico, of otro) pa sostene esaki;

Tanto esnan cu ta para garante como e turista mester ta presente na momento cu bin DIMAS pa solicita pa un extension di e estadia di turista pa por permanece na cas di famia.